



ՀԱՄԱՅՆ ՎՐԱՑ ՊԱՏՐԻԱՐԷ-ԿԱԹՈՂԻԿՈՍ ՆՈՐԻՆ ՍՐԲՈՒԹՅՈՒՆ ԵՓՐԵՄ Բ-Ի ԱՅՑԵԼՈՒԹՅՈՒՆԸ ՄԱՅՐ ԱԹՈՒ ՍՈՒՐԲ ԷՋՄԻԱՏԻՆ

Նորին Ս. Օծուխուն Տ. Տ. Վազգեն Ա Ամենայն Հայոց Հայրապետի հրավերով, դեկտեմբերի 8-ին, ուրբաթ օր, Մայր Աթոռ Ս. Էջմիածին ժամանեց համայն Վրաց Պատրիարք-Կաթողիկոս Նորին Սրբուխուն Եփրեմ Բ-ը:

Երևանի երկաթուղային կայարանում, Ազգիս Վեհափառ Հայրապետը անձամբ դիմավորեց հարգելի Հյուրին:

Վրաց Պատրիարք-Կաթողիկոսին դիմավորեց նաև Հայկական ՍՍՌ Մինիստրների Սովետին առընթեր Հայ Եկեղեցու գործերի խորհրդի նախագահ Ս. Գասպարյանը:

Դիմավորողների թվումն էին նաև Մայր Աթոռի միաբանությունը, Գերագույն Հոգևոր Խորհրդի անդամները, Արարատյան թեմի առաջնորդական փոխանորդ Տ. Վահան վարդապետը՝ ի գլուխ քահանայից դասի:

Վրաց Եփրեմ Կաթողիկոսի շքախմբի կազմումն էին Դավիթ արքեպիսկոպոսը, Զինովի եպիսկոպոսը և Ալեքսանդր քահանան: Հարգելի Հյուրին Թբիլիսիից ընկերակցում էին նաև Վրաստանի հայոց թեմի առաջնորդ գերաշնորհ Տ. Կոմիտաս եպիսկոպոս Տեր-Ստեփանյանը և թեմական խորհրդի անդամ Ս. Ավչյանը՝ որպես թարգման:

Հյուրերը առաջնորդվում են «Արմենիա» հյուրանոցը, ուր փոքր ինչ հանգստանալուդ հետո, ուղևորվում են դեպի Ս. Էջմիածին:

Վանքի ավագ դարբասի առաջ, Համայն Վրաց Պատրիարք-Կաթողիկոսը, եկեղեցական թափորով և ամպոնականու տակ, շարականների երգակցությամբ, առաջնորդվում է դեպի Մայր Տաճարը:

Մայր Տաճարի դռան առաջ, Ազգիս Վեհափառ Հայրապետը դիմավորում է Վրաց Պատրիարք-Կաթողիկոսին: Երկու Հայրապետները ողջունում են միմյանց ու համբուրվում, և ապա հանդիսավորապես մուտք գործում Մայր Տաճար:

Մայր Տաճարում տեղի է ունենում Հայրապետական մաղթանք՝ ի հաստատություն Հայ և Վրաց եկեղեցիների Հայրապետական Աթոռների: Արարողության ավարտին, Իջման Ս. Սեղանի առաջ, Ազգիս Վեհափառ Հայրապետը բարի գալուստ է մաղթում Համայն Վրաց Պատրիարք-Կաթողիկոս Եփրեմ Բ-ին և Նրա շքախմբին:

Իր պատասխան խոսքում, Վրաց Պատրիարք-Կաթողիկոսը սրտագին շնորհակալություն է հայտնում ջերմ դիմավորության և ընդունելության համար, ապա բարեմաղթություններ կատարում հայ և վրաց ժողովուրդների բարօրության և եկեղեցիների ծաղկման համար:

Այնուհետև, եկեղեցական թափորով, երկու Հայրապետները առաջնորդվում են Վեհափառ, ուր տեղի է ունենում, մտերմիկ մթնոլորտի մեջ, ջերմ զրույց՝ երկու մեծ Հայրապետների միջև:

Ժամը 2-ին, Վրաց Պատրիարք-Կաթողիկոս Եփրեմ Բ-ը, իր շքախմբով, այցելում է Մայր Տաճարը, եկեղեցական հնույթունների բաժինները, Հոգևոր Ճեմարանը, Մայր Աթոռի նոր տպարանն ու նոր Վեհարանը, ապա ինքնաշարժով լինում է Վաղարշապատում գտնվող երեք պատմական տաճարներում՝ Ս. Հռիփսիմե, Ս. Գալանե և Ս. Շողակաթ:

Ժամը 3-ին, Վեհարանի սեղանատանը, կաղմակերպվում է ընդունելություն ի պատիվ հյուրերին: Ընդունելության ժամանակ փոխանակվում են սրտառու բաժակաճառեր աշխարհի խաղաղության, եկեղեցիների պայծառության, հայ և վրաց ժողովուրդների և եկեղեցիների դարավոր բարեկամության և անսասանության համար:

Երեկոյան ժամը 5-ին, հյուրերը վերադառնում են Երևան:

Ժամը 8-ին, Վեհափառ Հայրապետը փոխադարձ այցելություն է տալիս Երևանում



ՀԱՄԱՅՆ ՎՐԱՅ ՊԱՏՐԻԱՐԺ-ԿԱԹՈՂԻԿՈՍ
ՆՈՐԻՆ ՍՐԲՈՒԹՅՈՒՆ Տ. Տ. Ե Փ Ր Ե Մ Բ

Նորին Սրբութուն Համայն Վրաց Պատրիարք-Կաթողիկոս Եփրեմ Բ-ին, ընկերակցությամբ գերաշնորհ Տ. Սահակ և Տ. Հայկազուն արքեպիսկոպոսների ու հոգեշնորհ Տ. Ներսես արքեպիսկոպոսի Մտերմիկ մթնոլորտում տեղի է ունենում զրույց՝ երկու Եկեղեցիներին շահագրգռող հարցերի շուրջ։

Շաբաթ օր, դեկտեմբերի 9-ին, առավոտյան ժամը 11-ին, Համայն Վրաց Պատրիարք-Կաթողիկոս Եփրեմ Բ-ը, իր շքախմբով, մեկնում է Ս. Գեղարդի վանքը, ընկերակցությամբ գերաշնորհ Տ. Կոմիտաս եպիսկոպոսի և հոգեշնորհ Տ. Վահան վարդապե-

հրեկույթ, բաղկացած շարականներից, հոգևոր երգերից և արտասանություններից։

Ամենայն Հայոց Վեհափառ Հայրապետը և Համայն Վրաց Պատրիարք-Կաթողիկոսը ժամանում են Հոգևոր Ճեմարանի հանդիսությանը սրահը և ընդունվում ուսանողության և բոլոր ներկաների սրտագին ու ջերմ ծափերով։ Ճեմարանի վերատեսուչ գերապատիվ Տ. Հայկազուն արքեպիսկոպոսը բարի գալըստյան և ողջույնի խոսք է ասում հյուրերին։ Ճեմարանի ուսանողական երգչախումբը հաջողությամբ կատարում է «Ուրախ լեր Սուրբ Եկեղեցի» շարականը, «Մաղկիր ազատ



ԱՄԵՆԱՅՆ ՀԱՅՈՑ ՀԱՅՐԱՊԵՏ ՎԱԶԳԵՆ Ա-ը եւ ՎԱՄԱՅՆ ՎՐԱՑ ՊԱՏՐԻԱՐԷ-ԿԱԹՈՂԻԿՈՍ ԵՓՐԵՄ Բ-ը
ՄԱՅՐ ՏԱՃԱՐԻ ԶԱՆԳԱԿԱՆ ԱՌԱՋ

տի։ Դեպի Գեղարդ կես ճանապարհի վրա, Կաթողիկոսը և նրա շքախումբը այցելում են Գառնիի ավերակները։ Գեղարդի վանքում Նորին Սրբութուն Եփրեմ Բ-ին դիմավորում են գերաշնորհ Տ. Սահակ արքեպիսկոպոսը, Գեղարդի վանահայր հոգեշնորհ Տ. Մուշեղ վարդապետը, հոգեշնորհ Տ. Մեսրոպ արքեպիսկոպոսը և բարեշնորհ Կարապետ սարկավազը։

Ժամը 3-ին հյուրերը վերադառնում են Մայր Աթոռ Ս. Էջմիածին, որտեղ նրանց պատվին տրվում է ճաշկերույթ։

Երեկոյան ժամը 6-ին, Հոգևոր Ճեմարանի ուսանողությունը, ի պատիվ Համայն Վրաց Պատրիարք-Կաթողիկոսին և նրա շքախմբին, կազմակերպում է զրական-գեղարվեստական

իմ Հայրենիք» և «Հանդես է տոնական» խմբերգերը։ Հոգեշնորհ Տ. Մեսրոպ արքեպիսկոպոսը և Հոգևոր Ճեմարանի ուսանող Վառվառյանը, իսկ բարեշնորհ Պետրոս սարկավազ Բերբերյանը՝ Հարություն տաղը՝ «Ի գերեզման յարուցելոյն»։ Բ լսարանի ուսանող Վառվառյանը և Քիհանյանը, հանուն իր ընկերների, բարի գալըստյան սրտառույ մի ուղերձ է կարդում ի պատիվ հյուրերին։ Վեհափառ Հայրապետը և Վրաց Պատրիարք-Կաթողիկոսը, հանդիսության վերջում, հայրական հորդորներ են տալիս ուսանողության՝ լինելու ուսման մեջ է՛լ ավելի առաջադեմ, աղոթքի մեջ անձանձրույթ, ապագայում դառնալու համար Եկեղեցու արժանավոր հոգևորականներ։

Հանդիսությունը փակվում է խմբովին երգված «Էջ Միածինն ի Հօրէ» շարականով և Տերունական աղոթքով:

Հանդիսության երկրորդ բաժնում ցուցադրվում է Ամենայն Հայոց Վեհափառ Հայրապետի ընտրության և օծման կինոժապավենը:

Կիրակի, հոկտեմբերի 10-ին, Մայր Տաճարում, օրվա հանդիսության առիթով, եպիսկոպոսական հանդիսավոր սուրբ պատարագ է մատուցում և քարոզում գերաշնորհ Տ. Հայկազուն արքեպիսկոպոսը՝ «Զի՛ բարի կամ զի՛ վայելուչ, զի բնական եղբարք ի միասին» (Սաղմ. ԶԼԲ 1) բնաբանով, ծանրանալով Հայ և Վրաց Եկեղեցիների դարավոր եղբայրության և անքակտելի միասնության վրա:

Սուրբ պատարագին ներկա են Ամենայն Հայոց Վեհափառ Հայրապետը, Համայն Վրաց Պատրիարք-Կաթողիկոսը Իր շքախմբով և պաշտոնական այլ անձնավորություններ, ինչպես նաև հավատացյալների բազմություն:

Հավարտ սուրբ պատարագի, Հայրապետները հանդիսավորապես առաջնորդվում են Վհհարան:

Ժամը 3-ին, Մայր Աթոռ Ս. Էջմիածնի Գերագույն Հոգևոր Խորհուրդը, Հոգևոր Ծննդաբանի հանդիսասրահում, կազմակերպում է մեծ ընդունելություն՝ ի պատիվ Վրաց Եկեղեցու Հայրապետի և նրա շքախմբի:

Ընդունելության ներկա են նաև Հայկական ՍՍՌ Մինիստրների Սովետին առընթեր Հայ Եկեղեցու գործերի խորհրդի նախագահ Ս. Գասպարյանը, Խորհրդի նախագահի տեղակալ Ս. Հովհաննիսյանը և այլ պաշտոնական հյուրեր, որոնց թվում՝ ուխտավորաբար Հայրենիքում գտնվող պր. Ա. Անդրեասյանը, որ ԱՄՆ-ում հրատարակվող «Պայքար» թերթի խմբագիրն է:

Ընդունելության ընթացքում սրտաբուխ ճառեր են փոխանակվում Վաղգեն Ա և Եփրեմ Բ կաթողիկոսների միջև, հայ և վրաց ժողովուրդների և Եկեղեցիների դարավոր, պատմական բարեկամության անքակտելիության ջերմ մաղթանքներով:

Ողջույնի խոսք է արտասանում Հայ Եկեղեցու գործերի խորհրդի նախագահ պր. Ս. Գասպարյանը:

Այս առթիվ խոսք է ասում նաև Բոստոնի «Պայքար» թերթի խմբագիր պր. Անդրանիկ Անդրեասյանը:

Ողջերթի պաշտոնական ընդունելությունը վերջանում է «Պահպանիչ»-ով և Տերունական աղոթքով:

Երկուշաբթի, դեկտեմբերի 11-ին, առավոտյան ժամը 11-ին, Ամենայն Հայոց Վեհափառ Հայրապետը և Համայն Վրաց Պատրիարք-Կաթողիկոս Եփրեմ Բ-ը այցելություն են տալիս Հայկական ՍՍՌ Մինիստրների Սովետի նախագահի տեղակալ պր. Գեղամ Պետրոսյանին: Տեղի է ունենում ջերմ զրույց: Ապա Հայրապետները հրաժեշտ են առնում լավագույն տպավորություններով:

Ժամը 12-ին, երկու Հայրապետները, իրենց շքախմբերով, այցելում են մայրաքաղաքի Ս. Սարգիս առաջնորդանիստ եկեղեցին, ուր ընդունվում են առաջնորդական փոխանորդ հոգեշնորհ Տ. Վահան վարդապետ Տերյանի, քահանայից դասի, թեմական խորհրդի անդամների և հավատացյալների կողմից: Եկեղեցու զանգերի ղողանջի տակ, Հայրապետները առաջնորդվում են եկեղեցի, ուր բարի գալստյան խոսք է ասում փոխանորդ հայր սուրբը Տ. Տ. Եփրեմ Բ Հայրապետը օրհնում է եկեղեցում հավաքված հավատացյալներին:

Ժամը 3-ին, Վհհարանի սեղանատանը, կազմակերպվում է ողջերթի սեղան:

Ժամը 5-ին, հյուրերը, լավագույն տպավորություններով, հրաժեշտ են առնում Վեհափառ Հայրապետից և Մայր Աթոռի միաբանությունից: Վրաց Պատրիարք-Կաթողիկոսը, Մայր Աթոռից մեկնելուց առաջ, իջնում է Մայր Տաճար, աղոթում Իջման Ս. Սեղանի առաջ ու վերադառնում Երևան:

Երեկոյան ժամը 6-ին, Համայն Վրաց Պատրիարք-Կաթողիկոս Եփրեմ Բ-ը, Իր շքախմբով, մեկնում է Թբիլիսի:

Հարգելի հյուրերին անձամբ ճանապարհում է Վեհափառ Հայրապետը, շրջապատված Մայր Աթոռի միաբանությամբ:

Վրաց Պատրիարք-Կաթողիկոսին ճանապարհում է նաև Հայկական ՍՍՌ Մինիստրների Սովետին առընթեր Հայ Եկեղեցու գործերի խորհրդի նախագահի տեղակալ Ս. Հովհաննիսյանը:

Բարի ճանապարհ Մայր Աթոռի թանկագին հյուրերին:

ՆԵՐՍԵՍ ԱՐԵՂԱ ՊՈԶԱՊԱՆՅԱՆ

